

升菴先生年譜
汪直傳
吳少君遺事

鵝池生傳
張邦昌事略
螺冠子自敘附傳贊

徐海本末
劉豫事蹟



Z121

1
:3450

升菴先生年譜

李調元校

60457

中華書局

此 據 函 海 本 排 印
初 編 各 叢 書 僅 有
此 本

升菴先生年譜

公姓楊氏諱慎字用修別號升菴其先廬陵人六世祖諱世賢者元末避歐祥之亂徙楚麻城再避紅軍亂乃入蜀居新都世賢生壽山壽山生攻攻生湖廣提學僉事留耕公春留耕公配葉氏子七人長廷和即公父少師石齋次廷平號龍山次廷儀號瑞虹次廷簡早卒次廷宣號龍崖皆葉夫人出次廷歷次廷中側室王氏出石齋公生於天順己卯年十三舉於鄉二十舉進士由翰林庶吉士歷官少師兼太子太師首相兩朝有除難定策之功焉子四長即升菴公少師元配一品夫人眉山黃明善之女所出次惇號敘菴癸未進士兵部職方主事恆號貞菴廩中書舍人陞大理右寺副忱號孚菴丙子舉人皆太孺人蔣氏出若龍山公之子惺悌瑞虹公之子恂慥性龍崖公之子悅惟則皆公之從弟也先是石齋與夫人黃氏以艱嗣爲憂嘗禱於神後夢神語曰當以聰明奇慧子畀君又夢送五代忠臣夏魯奇至曰武臣也復以中庸十八章輔之宏治元年戊申十一月初六日生公於京師之孝順衚衕岐嶷穎達十歲母夫人教之句讀並授以唐絕句輒成誦又以筆管印紙作圈令公書字於中曰吾雖不知書然即此則楷正自可觀矣公奮志誦讀不出外戶戊午年十一作近體詩有一盞孤燈照玉堂之句石齋公曰句佳矣但恨太孤寂爾不悅己未果羅母黃夫人憂極其悲號廢食骨立未幾祖母葉太夫人訃聞隨石齋公回蜀守制留耕公授以易兩句而浹不遺一字擬作古戰場文有青樓斷紅粉之魂白日照翠苔之骨數語瑞虹公

極稱賞。又命擬過秦論。留耕公奇之曰。吾家賈誼也。一日石齋公與瑞虹、龍崖二公觀畫。問曰。景之美者。人曰似畫。畫之佳者。人曰似真。孰爲正。公舉元微之詩以對。龍崖曰。詩亦未見佳。汝可更作。公呈稿云。會心山水真如畫。名手丹青畫亦真。夢覺難分列禦寇。影形相贈晉詩人。二公曰。只此二句大勝前人矣。時公年十二。辛酉。石齋公服闋。公亦入京師。有過渭城送別詩。霜葉賦。其馬嵬坡詩云。風箏匆匆下九天。馬嵬西去路三千。漁陽鼙鼓烟塵裏。蜀棧鈴聲夜雨邊。方士遊魂招不返。詞人長恨曲空傳。蛾眉尙有高邱在。戰骨潼關更可憐。師福建鄉進士。魏雪溪先生浚習舉子業。偶作黃葉詩。李文正公見之曰。此非尋常子所能。吾小友也。乃進之門下。命擬出師表及傅奕書。汰僧尼表。文正覽之。謂不減唐宋詞人。宏治乙丑。侍石齋公於禮闈。時崔公銑試卷在分考。劉武臣簾下。疑其刻深未錄。公見之。愛其奇雋。以呈石齋公。遂擢詩經魁。崔知而以小座主稱焉。竟爲生平知己。時公年一十八。正德丙寅。與同鄉士馮馴、石天柱、夏邦謨、劉景宇、程啓充爲麗澤會。卽墨藍田永昌張含結社倡和。丁卯。歸應四川鄉試。督學南峯劉公面試而奇之曰。吾不能如歐陽公。乃得子如蘇軾。是秋果擢易魁。九月。安人王氏來嬪。清素僅如田家禮。十一月。上禮部。戊辰春試。主考王公鑒、梁公儲得公文。已置首選。卷偶失燭。遂下第。有空吟故國三千里。悔讀南華第二篇之句。入國學。祭酒周公王類試之曰。天下士也。己巳。歷事禮部。周旋朝夕不倦。尙書劉公宇一日見公。問曰。子爲誰。對曰。楊慎。劉曰。本部天下人。豈必一大臣子弟耶。乃稱嘆不置。辛未。禮部費公宏知貢舉。入總文衡。則靳公貴。擢公第二。殿試則及第第一。制策援史融經。敷陳宏訓。讀卷官李公東陽、劉

公忠、楊公一清相與稱曰：海涵地負，大放厥詞，共慶朝廷得人，授翰林修撰。公時年二十四。癸酉，丁繼母。喻夫人薨，居家讀禮，博儀一無所受。學憲劉公節稱之曰：禮不忘於口誦，義每絕乎弊交。明年藍鄴諸寇作亂，公在邑城中，日夕戒嚴，有賊數百詐稱官軍，以刼門者。公令守雉堞者詰之散去。乙亥，服闋，冬十二月北上，舟至嘉定黃閣扁，幾危而得濟，遂與布政伍公符隣舟唱和下江陵。丙子，入翰林，爲經筵展書官及校文獻通考同館。則鄆公守益，王公思尹公襄，劉公泉，孫公紹祖，張公潮也。丁丑，爲殿試掌卷官，得舒公芬策以呈開老梁公儲，不置鼎魁。公力爭，乃得首第。時武皇遊幸宣大榆林諸邊，返而復往，公疏切諫，不報。乃以養疾乞歸。明年，王安人卒，己卯，繼室得遂寧黃簡肅公珂女。時江西寧藩之變，值石齋公當國，公經廣漢詩曰：遊子戀所生，不獲常懷安。大哉宇宙內，吾道何盤桓。庚辰九月，公北上，仍舊官。辛巳四月，世宗卽位。五月，公爲殿試受卷官。八月，開經筵，公首作講官，進尙書金作贖刑之章，言聖人贖刑之制，用於小過者，冀民自新之意。若大姦元惡，無可贖之理。時大閣張銳于經等皆犯先朝事，罪當死，以進金銀得免。故及之。壬午二月，命公代祀江瀆及蜀瀋諸陵寢，著江祀記，與給事熊公浹、御史簡公霄、遊浣花溪，載酒賦詩，有烟霞誰作主，魚鳥自相親，斗酒千金會，扁舟兩玉人之句。十二月，北上復命。癸未，纂修武廟實錄，公練習朝野典，事必直書。總裁蔣公冕、費公宏曰：官階雖未及，實堪副總裁者。乃盡以草錄付校。時六年考滿，吏部侍郎羅公欽順考公語曰：文章克稱乎科名，慎修允協乎名字。甲申七月，兩上議大禮疏，嗣復跪門哭諫。中元日下獄。十七日廷杖之。二十七日復杖之，斃而復甦。謫戍雲南永昌衛。時同事死者

配者黜者左遷者一百八人。挽舟由潞河而南。值先年被革挾怨諸人。募惡少隨以伺害。公知而備之。至臨清始散去。時公年三十七。乙酉正月。至雲南。病馳萬里。羸憊特甚。栖栖旅中。方就醫藥。而巡撫台州黃公衷促且甚。公力疾冒險抵永昌。幾不起。巡按郭公楠清戎江公良材極爲存護。卜館雲峯居之。且上疏乞宥議禮諸臣。而郭亦被詔下獄爲民。丙戌九月。聞石齋公寢疾。正馬問道。十九日至家。石齋公悅而疾愈。七月。攜家就戍所。十一月。尋甸府土舍安鈴起變。十二月。武定土舍鳳朝交亦起。攻掠城堡。爲患孔亟。公歎曰。此吾效國之日也。乃戎服率旅僮及步騎百餘往緣木蜜所守禦。入城與副使張峨謀固守。明日賊來攻城。寧州土舍陸紹先率兵戰城下。公促城中兵鼓譟開門出戰。以助外兵。賊散去。公復歸會城。戊子春。疫殍大作。乃徙居洱海城。疫息。仍居雲峯。高書伍公文定。黔國沐公紹勳。鎮守太監杜唐。同來問疾。時公一足病。有半人嘲鑿齒一足笑虞夔之句。己丑八月。寓趙州。聞石齋公計奔告巡撫歐陽公子重疏上。得歸襄事。十一月。還滇。壬辰正月。布政高公公韶聘修雲南通志。館於滇之武侯祠。時卿大夫有欲昌嗣穎川侯傅友德以觀世傳者。公不可。乃乘張羅峯復相流言。欲中害。公遂去。有中宵風雨太多情。留住行人不放行。借問小西門外柳。爲誰相送爲誰迎之句。癸巳。西遊大理諸處。會嶠山張公舍於霽虹橋。刻詩崖。嶠以志別。甲午。阿密州僉事王公廷表迎往館之。經臨安。納少室新喻人周氏。乙未六月。子同仁生。丙申。至喜州。訪給事楊宏山。十雲。復寓點蒼山感通寺之寫詠樓。丁酉。與御史李中漢元陽遊石寶山。七月。還戍所。戊戌。奉戎檄歸蜀。便道獲拜阡梓。事畢還滇。己亥十一月。再領戎役於重慶道。庚子。役竣。至遂

寧七月歸新都。八月巡撫東臯劉公大謨聘公及玉壘王公元正方洲楊公各纂修蜀志。辛丑還滇。至東瀘疾作。巡撫龍山戴公金留之。返成都。與梓谷黃公華珥江劉公大昌遊青城。丹景雲臺諸山。壬寅七月還戍所。八月納少室北京人曹氏。癸卯十二月子寧仁生。公大喜。時當道與黔國沐公交遊。士夫俱詩章宴賀。有天上麒麟輝蜀水。海中龍馬過滇池之句。是年公復領戎役於蜀。甲辰至瀘州。與少岷會公興遊九十九峯山。四月還戍所。乙巳二月徙居大理。與門生董難尋罷谷山。經喜臉會宏山諸公倡和。九月還戍所。丙午丁未居滇之高曉。有十二境。日與士大夫交遊。二月公屬紹芳隸漢王褒移金馬碧鷄文於羅漢寺之崖。凡招提佳勝會意處。便操觚留題。冬十月公復適臨安。訪臬憲樊公景麟暨桐岡葉公。遊諸巖洞勝景。戊申春至晉寧。與侍御池南唐公錡遊海籌蟠龍生佛諸山陀己酉居高曉。夏秋每與滇之鄉大夫葉兩湖胡任山遊。初武廟閱文獻通考天文星名有注張命內開取祕書通考又作注張中使下問欽天監及翰館中皆莫知其爲何星也。公曰注張柳星也。歷引周禮史記漢書以復。又湖廣土官水盡源通塔平長官司進貢同官疑爲三地名。於長官司上添一三字。公曰此六字地名也。取朝中官制證之。嘉靖中給事中張紳上言時政論學術不止一條。有喬字鬼瑱之語。上問之內閣。公適在館中。即取荀子非十子子篇以復。敬所蔣公喜曰。用修之博何減古之蘇頌乎。其該洽精辨類如此。乃若論王導之賊晉室。辨太王之非剪商。魯之重祭。不始於成王周公。春秋五伯深斥乎楚宋秦繆。引墨子及修文御覽以辨范蠡無載西施之事。引黃東發蘇東坡之言及李漢韓文序以辨文公與大顛書之僞。駁歐陽氏非非堂之說。

辨陳白沙六經皆虛之語。斥戴石屏之無行。傳唐貴梅之死節。此又證據古今。闡揚幽隱。謂其有功世教也。非乎。至若陶情乎豔詞。寄意乎聲伎。落魄不羈。又公所以用晦行權。匪恆情所易測者也。昔重慶守劉公綸貽公廷祿。偕紹芳數遊昆明池。有池賞詩社集。庚戌四月。海口疏。雲南臺司顧箬溪諸公請公記其事於石。壬子二月。時在逸武弁得委祭龍海口。歸肆狂惑。復丁夫六千。督往駐瀘。剝衆利。州人苦之。有言於公者。公歎之曰。海已涸矣。田已出矣。民已疲矣。致書巡按趙公炳然罷之。三月。劉睿峯明刑持先廷尉執齋王公詩文集。請公批選於太華寺。癸丑。公復領戎役於蜀。僑寓瀘州。丁巳六月。長子同仁卒。無嗣。八月。歸新都。敍菴弟卒。公痛悼倍於尋常。其誄詞曰。我生與弟先後之年。呱呱而泣。形分氣連。夏炎合簋。冬寒並氈。母攜父抱。偃濕就乾。八歲就傅。雙筆一研。嬉戲偕止。出入隨肩。飲啖讓果。跬步共磚。又曰。七袞將躋。我歸自滇。兄酬弟勸。翕樂罔愆。觴我於進。羣從爭攀。劇談飛屑。倡和珠蟻。笑語亟斷。頃刻復延。豈意宴席化爲几筵。遽爾凋喪。門祚中顛。幼弱一人。何忍余捐。余生則先。弟亡則前。兄弟存亡。誰質諸天。其友愛至情見於辭者如此。至若保惠遺孤。紀綱家政。既乃心力。從子有仁以耆年失怙。而卒免於顛覆者。皆公惠之及也。戊午。子寧仁娶瀘州滕恩官女爲室。公僑寓江陽者十數年。交遊日衆。與會岷野。章后齋諸公友善。己未春。還戍所。六月。遭疾。感懷詩曰。七十餘生已白頭。明明律例許歸休。歸休已作巴江叟。重到翻爲滇海囚。遷謫本非明主意。網羅巧中細人謀。故園先隴癡兒女。泉下傷心也淚流。又訣李。張。唐。三。公詩云。魍魎禦客八千里。羲皇上人四十年。怨誹不學離騷侶。正葩仍爲風雅仙。知我罪我春秋筆。今吾故吾

逍遙篇中溪

李元

半谷

池南

唐叟

此意非公誰與傳。卒於七月六日。年七十有二。時巡撫雲南游公居

敬命殯歸新都。

庚申冬。

耐葬石齋公墓側。

丁卯。

穆宗卽位。

奉遺詔追贈光祿寺少卿。

長子同仁先卒。

次子

寧仁。

時寓瀘州。

公卒之年。

夫人黃至瀘迎歸。

撫教則夫人任之也。

公孝友性植。

顯敏過人。

家學相承。

益以

該博。

凡宇宙名物之廣。

經史百家之奧。

下至稗官小說之微。

醫卜技能草木蟲魚之細。

靡不究心多識。

闡

其理。

博其趣。

而訂其說。

謬焉。

正德間。

有寄書曰。

凡人情有所寄則有所忘。

有所譏則有所棄。

寄之不深。

則

忘之不遠。

譏之不甚。

則棄之不篤。

忘之遠。

則我無所貪。

棄之篤。

則人無所忌。

無所忌。

而後能安。

無所貪。

而

後能適。

足下所爲。

蓋得其適與安也。

古人買田宅。

擁聲伎。

皆豪傑蓋世之才。

然獨無抱尺寸者之見也。

僕

觀足下自蒙難以來。

嘔心匠意。

募文續經。

近搜百氏。

窮探古蹟。

鑿石辨剝。

泐碑。

搜出遺忘。

有僻儒苦士白

首蓬藿。

日自纂索。

所不能盡。

而謂竭精竭神於逸欲聲色者能之乎。

斯言也。

可謂諒公之深者矣。

公嘗語

人曰。

資性不足恃。

日新德業。

當自心力中來。

故好學窮理。

老而不倦。

又嘗自贊曰。

臨利不敢先人。

見義不

敢後身。

雖無補於事業。

求不負乎君親。

遭逢太平。

以處安邊。

歌咏擊壤。

以終餘生。

天之顯畀。

厚矣。

篤矣。

吾

之涯分。

止矣足矣。

蓋困而亨。

冲而盈。

寵爲辱。

平爲福者耶。

此公自狀實錄。

至其平生著述。

四百餘種。

散逸

頗多。

學者恨未睹其全也。

升菴先生年譜

七